





石屏詩集卷第二

歲旦族黨會拜

衣冠拜元日樽俎對芳辰上下二百位尊卑五世
人排門喬木古照水早梅春寒事將消歇風光又
一新

寄節齋陳叔方寺丞

今時古君子玉立衆人間再世黃叔度三生元魯
山把麾渾細事憂國欲愁顏恨不頻相見空書謾
往還

石屏詩集卷第二

石屏詩集

石屏詩集

姪孫子淵新居落成二首

結屋鄰蒼

滄一作

海開門面翠屏堂前萱草綠壽母髮

絲青禮樂陳罇俎詩書立戶庭一時勤卜築百世

享康寧

一區揚子宅中有讀書堂早覺儒風好兼看野趣

長籬籬帶花竹里巷接農桑安得茅三架爲鄰住

汝傍

子淵送牡丹

有酒何孤我因花賦惱公可憐秋鬢白羞見牡丹

紅海上盟鷗客人間失馬翁不知衰病後禁得幾

春風

寄山臺趙度可二首

天族文章士會稽山水州地靈鍾秀異人物信風

流要自用卿法如何與婦謀功名須早計首爲海

雲留

頃上山臺謁臨行辱贈詩相思寸心在莫訝尺書

遲好月登樓夜清秋落木時見君花萼集夢到謝

公池

晚春

春來涉一作能幾日又到落花時老面羞看鏡愁懷強

作詩兩牆蝸篆古風樹鳥巢危有客適相過樽前

一局棊

姪孫景文多女賀其得雉

陰極一陽轉君家氣數回試看庭竹上新厓有鳳

雛來端的傳書種分明是福胎三朝食牛氣端不

類嬰孩

屏上懷黃伯高兄弟

扁舟到溪上移杖即行吟問麥雨多少探梅春淺

深古屏今日景脩竹舊時陰疇昔同游者遺蹤何

處尋

嘉熙己亥大旱荒庚子夏麥熟

四野蕭條甚百年無此荒早禾遭夏早晚稻被蟲

傷富室無儲粟農家已絕糧逢人相告語生理尚

茫茫

旱潦併為害三農哭歲饑當秋穀價貴出廣米船

稀救死知吾拙謀生恐計非固窮君子事辨采此

山薇

餓喙偏主事空言不療餓誰知歲豐穀實係國安
危世變到極處人心無藉時客來談益賊相對各
愁眉

瑣瑣譏年事駸駸穀價高人將委溝壑誰肯發倉
廩酒沼魚枯死荒村犬餓號與人同一飽安得未
千艘

瀕海數十一作里饑民及一作萬家雨多憂壞麥春好
忍看花鑿淺疏田水占晴視晚霞老農如鬼瘦不

住作生涯

積雨喜新霽山禽亦好音白雲開曠野紅日照高
林歉歲地惜寶惠民天用心君看大麥熟顆顆是
黃金

人不聊生梅柳早有春意一作歲

歲歉家家窘時危事事難出門如有礙對酒亦無
歡楊柳含春思梅花耐歲寒少須天意轉穀熟萬
民安

庚子荐饑

正月彗星出連年旱魃興自應多變故何可望豐
登孰有回天力誰懷濟世能發居不卹緯憂國瘦
峻嶒

連歲遭饑饉民間氣索然十家九不爨一作升米百

餘錢凜凜饑寒地蕭蕭風雪天人無告急處閉戶

抱愁眠

餓走拋家舍從橫死路岐有天不雨粟無地可埋
屍劫數慘如此吾曹忍見之官司行賑卹不過是
文移

乘時皆閉糶有穀貴如金寒士糟糠腹豪民鉄石
心可憐饑欲死那更病相侵到處聞愁歎傷時淚
滿襟

杵臼成虛設蛛絲網釜鬻啼饑食草木嘯聚斫山
林人語無生意鳥啼空好音休言穀價貴菜亦貴
如金

去歲未為歉今年始是凶穀高三倍價入到十分
窮險浙矛頭菜一作米愁聞飯後鍾新來慰心處隴麥
早荒荒

壬寅歲旦景明子淵君玉携酒與詩爲壽次韻

捨我白麤椀把君金屈卮判爲元日醉共賦早春
詩冰泮魚龍起花開蜂蝶知爲子扶病脚頼有古
藤枝

花朝姪孫子固家小集見其後園一池甚廣
因思唐戴簡隱居長沙東池柳子厚有記吾
子固雖富而不驕有禮文足以飾身鄉里稱
其善馬少游之流也余以東池隱居稱之不

爲過况此乃吾家故事特欠柳柳州作記爾
今朝當社日明日是花朝佳節唯宜飲東池適見
招綠深楊柳重紅透海棠嬌自笑鬢邊雪多年不
肯消

次韻君玉春日

風雨不相貸繁華能幾時纔歌喜晴賦又作惜春
詩壓架酴醾老翻堦芍藥遲無花何足筭有酒且
相期

代書寄韓履善右司趙度可寺簿

懶不脩書札將詩問起居升沉元自異故舊忍相
踈學術有餘用班行不次除功名付公等世道莫
愁予

涉世幾三折行年近八旬江湖倦游客天地苦吟
身白髮可憐老青雲多故人東風雖有力朽木不
逢春

閉戶生涯薄憂時念慮長老猶思汗漫貧已在坐
膏肓弱柳饒春色幽蘭抱國香窮通安我命一笑
且持觴

月夜懷董叔宏聞其入京未得振

酒醒興未已詩成吟不休一涼風滿座半夜月明
樓老驥思千里飛鴻閱九州故人何處在誰作置
書郵

夢中題林逢吉軒壁覺來全篇可讀天明忘了
落句

囂塵不到眼瀟洒似僧家風月三千首圖書四十
車綠垂當戶柳紅映一作透隔牆花好讀天台賦登樓
詠落一作霞

姪孫子直家有西閣吾有東樓相望秋來景
物佳甚

逼仄人間世思從造物游君方倚西閣吾一作亦上
東樓挹彼千峯秀森然萬象秋相看成一老更有
幾年留

諸姪孫登白峯觀海上景

自有此山在無人作此遊氣吞雲海浪笑撼玉峯
秋開闢幾百載登臨第一籌諸郎莫高興刻石記
風流

鴈山羅漢寺省王總幹之墓待和甫主簿之
來

山鳥恠儒衣遊山我亦癡叫雲雲不應問水水相
知俗物刺人眼春風發我詩噪簷鴉鵲喜主簿有
來期一作時

解后樂清主簿姜昌齡一見如平生歡同宿
能仁

鴈去蕩猶在龍居山亦靈高峯穿碧落虛谷吸滄
溟愁見僧頭白喜逢君眼青燈前聞妙語字字摘

天星

鴈山總題此山本朝方顯

此地古無聞誰封萬石君山林纔整整來往早紛
紛兩派龍湫水千峯鴈蕩雲東西十八寺紀載欠
碑文

幾山蕪幾水更有幾烟霞不立僊人宅都為釋氏
家賓秋多少鴈報曉一雙鴉有此山林勝如何在
海涯

會心

我本江湖客來觀鴈蕩竒脚穿靈運履一作口誦貫
休詩景物與心會山靈莫我知白雲迷去路臨水
坐多時

大龍湫

百丈雲巖上神龍噴水飛四時作風雨萬斛瀉珠
璣不可形容處無窮造化機非他瀑布比對此欲
忘歸

靈峯靈巖有天柱石屏之勝自昔號二靈

駭見二靈景山林體勢豪插空天柱壯障日石屏

高覽勝苦不足登危不可憚勞白雲飛動處絕壁
走猿猱

淨明

林巒相掩映巖谷獨玲瓏下置維摩室上通龍伯
宮靈珠四時雨秋水一簾風甚欲觀新月山高脚
力窮新月谷在上高不可登

題胡立方思齋

每事再思過參之以古今唯求合天理毋妄用吾
心和氣生琴室清風動竹林所居雖近市不許市

塵侵

張子明索賦永齋詩諾之久矣杜撰四十字
以還冷債

為學日不足毋勞課近功聲名垂不朽文字用無
窮草色朝：碧桃花歲：紅一機長運轉造物與
人同

謝項子宜帥幹遣饋

○聞說沙溪上分明似渭川重山照一作蓋華屋萬竹遶
清泉遣餽知相憶登門未有緣一樓先月景想像

在吟邊

姪孫易以東塾農歌一編來細讀足以起予
七言有汲水灌花私雨露臨池疊石幻溪山
草欺蘭瘦能香否杏笑梅殘柰俗何似此兩
聯皆自出新意自可傳世然言語之工又未
足多其體格純正氣象和平為可喜余非諛
言自有識者因題其卷末以歸之

吾宗有東塾詩律頗留心不學晚唐體曾聞大雅
音霜空孤鶴唳雲洞老龍吟群噪無才思昏雅自

滿林

風雨無慄中覽鏡有感作小詩未有斷句適
兩姪孫攜詩卷來

覽鏡忽有感誰能寫我真峻嶒忍饑面踳踳苦吟
身風葉飄零夜雨花狼藉春相過慰牢落吾族有
詩人

姪孫繁字子淵服字豈潛各攜詩卷來相
與在酒邊細細讀之足以起予醉石眠花
影吟廊步蘚紋春水綠平野夕陽紅半山

一樽溪上別孤棹雨中行此槃之作也一
燈深夜雨幾處不眠人一草亦關春造化
衆星能表月精神此服之作也如此等語
不可枚數摘其一二以識之當自有識者
爲其賞音

歲暮

一作書懷

寄林玉溪

吾年幾八十暮景不勝斜老鶴猶能語枯梅強作
花一心爲死計無意問生涯有酒時相過東隣八
九家

笑共梅花語窮難與命爭人皆居煥館我獨墮寒
坑假合非吾道幽棲了此生門留元自靜群小莫
從橫

袞袞日不暇看看歲又徂一生賦茅屋幾度換桃
符天肯容吾老人皆笑我迂玉溪何所見時復問
詩癯

壬寅除夜

今夕知何夕滿堂燈燭光杜陵分歲了賈島吟詩
忙橫笛梅花老傳杯柏葉香明朝賀元日政恐兩

相妨

癸卯歲旦

淳祐第三載正朝把一杯老夫真是病賀客不須
來擇日脩茅屋當春覓柳栽新年莫多事且放好
懷開

新年多雨一日晴色可喜

一晴良可喜始覺好新年綠漲春前水青開雨後
天看花吾老矣把酒興悠然病脚妨行樂三杯歸
醉眠

讀三學士人論事三書

邦計傷虛耗邊民苦亂離諸公事緘默三學論安
危災異天垂戒脩爲國可醫傳聞上元夜絕似太
平時

黃屋見聞遠朱門富貴忙屠沽思報國樵牧解談
王能轉禍爲福毋令聖作狂草茅垂白叟尚擬見
時康

六月一日聞王鑑除殿前都虞候孟
路策應大使時制司籍定漁船守江甚急

夔

聞說北風凜其然其不然新除策應使急點守江
船設險渾無地扶危賴有天吾皇自神武北伐美
周宣

送王仲彝制機宰瀏陽

一身供世用六月赴官忙當此炎天熱知君心地
涼吏能師卓魯縣界接瀟湘試飲瀏陽水清清滋
味長

瀏陽誰謂小桑柘萬家春遠宦逢知己推心在惠
民速宜還縣債聞早綴朝紳說與諸公道方巖後

有人

送黎明府

黃巖萬家縣山海界民屋百里蜀中秀一廉天下
無財多能辦否官滿賦歸歟已作青雲料猶驚急
急符

縣債三年了鄉心萬里飛一身如許瘦百姓不妨
肥買宅憑誰辦抱琴何處歸諸公盍就推轂穩去着
朝衣

訪西澗岍王深道

諸王居處僻古屋滿山坡傳到宋淳祐來從晉永和詩書歷年久名勝結交多一澗流芳潤滔滔秋水波

諸老傷凋謝淒涼屬此時相從一夜語忍讀四哀詩世事生愁緒秋風吹鬢絲黃花香晚節說與秀岩知

吳荆溪四哀詩 語一作話

東谷王子文死讀其詩文有感

東谷今何在騎鯨去渺茫荆花半零落岩桂自芬芳議論波瀾濶文章氣脉哢長遺編猶可考何必

計存亡

挽溫嶺丁竹坡

瀟洒復瀟洒是爲丁竹坡生涯渾草草詩句自多
多恨不識是叟悲哉作此歌數編遺稿在不共葬
烟蘿

廣東漕李實夫四首

乾坤雖廣大人物不能多議論還諸老文章自一
科從橫負才畧緩急任干戈不有濟時傑其如世
事何

志士規模遠非時展布難莫言南地暖須念北風
寒楮賤傷財力兵驕稔禍端盛衰關氣數天下幾
時安

千里長城手如何在廣州共談天下事莫上斗南
樓瘦作露封侯骨忠懷報國秋丁寧北來鴈邊信
怕沉浮

忘家甘菽食憂國厲愁顏有客佩金印何人守玉
關風霜晚秋後天地夕陽間痛灑傷時淚別公歸
故山

求安

愁來須強遣老去只求安酒熟思招客詩成勝得
官梅花天下白雪片夜深寒衲被蒙頭睡脩然百
慮寬

秋日早行

鴈叫秋容老烏飛曙色分晨炊何草草宿酒尚醺
醺野曠連滄海山長帶白雲馬行沙上路驚起白
鷗群

何季臯司理故人也作詩見相勉意二首

梅花瘦嶺外別是一山川那使民無訟須知獄有
冤心常存正直法不尚平反于氏緣何事陰功到
子孫

南州通外國濁海涵清波人以廉稱少官從辟奏
多持身宜潔白事上莫依阿話別無他語留心政
事科

石洲遇陳季申話舊

綠樹挂烏帽清波照白頭合隨秋燕去那作賈胡
留紅吐檳榔唾香薰茉莉毬樽前話疇昔一笑不

能休

廣州所見

風波行險道萬里絕人烟幾箇下番客經年渡海
船人皆貪舶貨我獨惜主月錢

留心禁

漏川

書事

喜作羊城客忘為鶴髮翁向天求酒量翻海洗詩
窮已過西南道適遭東北風扁舟載明月狂作賣
油公

西南道乃廣州一孫場

前李約作漕時請世藥湖出新寵佐尊一
意顧眄無暇與賓客口語僕有詩云手拍錦
囊空得句眼看檀板遇知音漕大怒謂舟
中有麻油不投稅拘留其船

別李司直蕭小山

老作五羊客時從二妙游文口坐照南斗吾道欲東
周合作金閨彥那爲玉帳留嚴徐聞有召吾亦辦
歸舟

峽山二首

山近江如束林深路欲迷平沙印虎跡絕壁聽猿
啼綠水人誰釣黃茅地可畦幽居堪避世何必武

陵溪

誰一作難

欲訪飛來殿維舟上峽山有溪流屋下無路入雲
間犀解捐金索猿能記玉環無從旌往事有地足
躋攀

舟行英德江上和許季如詩

跌坐篷窓底客身無事時閑觀曲江帖因和許渾
詩舟楫聊乘興溪山若獻奇數峯英石羨天巧豈

人爲

重陽舟中

扁舟何寂寞絕不見人家無處沽村酒何從問菊
花溪山澹相對節序謾云嘉牢果表烏紗帽西風日
又斜

故人陳秘書家有感

晚春風雨後花絮落無聲綠泛新荷出青鋪細草
生私蛙爲誰噪老犬伴人行舊日狂賓客樽前笑
不成

林塘劫火後更作兩家分筭拆頭槍地松高氣拂
雲老夫來訪舊稚子解談文自是麒麟種那隨鴈
鷺群

聞時事

鴈豈關兵氣魚常被火災御軍先擇將立國可無
財濟世須人物忠言是福媒西山今已往更待鶴
山來

口號送椰心簞劉使君

適有椰心席慇懃持贈君來從三嶼國織作五花

文涼暖宜冬夏清光隔垢氛桃笙與蕪篔優劣迥
然分

懷江村何宏甫自贛上寄林檎

人好物亦好交深誼轉深他鄉如對面異體實同
心未得平安報相思長短吟無從回去馬有便寄
來禽

投江西曾憲二首

樞星居紫極遙映使星明天下推名德君家好弟
兄一臺振綱紀列郡想風聲不試褰帷手官曹未

易清

諸賢皆在位治效尚遲遲行吏未能去明君若可
欺外臺天耳目正士國根基既攬澄清轡那無按
察時

臨江小泊

○ 艤舟楊柳下一笑上茶樓適與胡僧遇非因越女
留雲行山自在沙合水分流獨酌臨清泚知心是
白鷗

寄鄭潤甫提幹

吾鄉有佳士官小惠才多文可登詞苑直宜居諫
坡春風能活物砥柱不隨波客裡喜相遇飄零柰
我何

趙丞話舊

憶作齊安別相逢直到今寒溫片時話故舊百年
心折柳送行客栽松遇賞音尊前強歌笑雨鬢雪
霜深

謝蕭和伯見訪

○定交雖日淺老眼見君深急誼真如渴能詩不肯

吟江湖尊白髮土苴視黃金野客無邊幅相看話
此心

廬陵城外

郭外人烟好行行過北阡迎船分社肉汲井種春
田綠樹前村路黃梅細雨天客游鄉土別景物只
同然一作前

董侍郎蒙泉書院

一室可忘老四窓宜讀書但教樽有酒莫問食無
魚客子家何在明朝歲又除思歸徒自苦安處即

吾廬

董叔震書堂

數椽深巷底朝夕自委蛇勲業時看劍詩書日下
帷古碑遮素壁破硯浴清池燈火伊吾夜猶如未
第時

別董叔宏兄弟

年老思家切交深話別難扁舟行且止尊酒強相
寬客路歸來晚人情去後看西風吹過鴈千萬寄
平安

聞邊事

昨日聞邊報持杯不忍斟壯懷看寶劍孤憤裂寒
衾風雨愁人夜草茅憂國心因思古豪傑韓信在
淮陰

宜春東湖呈趙使君

東園有佳趣五馬共登臨介石見古意月臺延賞
心雖然近城郭元不遠山林能使一州潤秀江秋
水深

次韻董叔宏山中有感

山中行樂處百感上心來宿霧掃不去好風吹自
開巖花新得句野水莫添杯不盡登臨興扁舟棹
月回

訪蒼山曾子實

故人子曾子居處近金精福地佳山水詩家老弟
兄十年重會面一笑最關情萬象亭前月今宵爲
我明

事機

天下事機別朝廷局面新臺官遷不定年號改何

頻黜陟由明主安危仗老正祖宗成憲在即此是
經綸

所聞二首

中使入廣詔宣崔右相賊起梗道

屢遣和戎使三邊未解兵武夫權漸重

望何

輕天下思豪傑君王用老成時無渭濱叟白首致
功名

右席須賢久丹書幾度催賊驚中使轉人望相公
來問政曲江宅調羹庾嶺梅莫因多病後虛出應

三台

歸舟已具李憲樓倉有約盜賊梗道見避亂者可憐

歲律又云莫臨風詠式微兩臺方有約一棹未成歸夜宿三家市天寒百衲衣豺狼當道路鷗鷺亦驚馬飛

倉猝拋家舍遑遑走道塗依山結茅戶

宜檢反摘一作屋摘

草當園蔬老稚朝朝哭生涯物物無避軍兼避寇何日得安居

張端義應詔上書謫曲江正月一日贛州相

遇

憂世心何切謀身計甚踈樽前話不盡天下事何如漢武求言詔賈生流涕書龍顏那可犯謫向曲江居

正朝送遷客好去看梅花此嶺幾人過念君雙鬢華直言知爲國遠地莫思家韶石叫虞舜傷哉古道賒

聞杜儀甫出臺與知宗趙山甫甚厚善

臺官關係重用捨一何輕諸老多慚德斯人有直

聲儻來視軒冕歸去即功名莫拜寬堂墓傷心隔
死生

揚州道宮安下制幹朱行甫撫幹方巨山連
騎相訪

道院群僊集高軒二妙奉文章清氣足談笑老懷
開落木三秋晚黃花九日催何當陪勝踐一作共把
雙螯杯

朱行甫和前韻送別烹鹿薦酒
此別真成別從今去不來佳人難再得惡抱向誰

開客路一歸晚家書幾度催慙慙見君意烹鹿薦
離杯

題宋安撫月中香

移根廣寒殿栽近讀書堂良夜月中影秋風天上
香此花真異種萬木莫同芳他日五枝秀何慙竇
十郎

訪方子萬使君宅有園林之勝

使君居處好在郭却如村屋帶園林勝門無市井
喧螿龍將變化雛鳳亦騰鸞客裏苦無暇相從聽

雅言

諸詩人會于吳門翁際可通判席上高菊磗
有詩僕有客星聚吳會詩派落松江之句方
子萬使君喜之遂足成篇

客星聚吳會詩派落松江老眼洞千古曠懷開八
窓風流談奪席歌笑酒盈缸楊陸不再作何人可
受降

別邵武諸故人

白髮亂紛紛鄉心逐海雲此行堪一哭無復見諸

君老馬尋歸路孤鴻戀舊群酒闌何處笛今夜不
堪聞

一老儒為貴人燒丹丹垂成而走因此失所
道途多險阻此老欲何之命薄丹砂走天寒白髮
悲從教達官罵忍受小兒欺月夜雙烏鵲飛鳴繞
樹枝

江上夜坐懷嚴儀鄉李友山

江清天影動樓近角聲雄楊柳枝枝月芭蕉葉葉
風佳人難再得良夜與誰同別後知何處吟詩句

句工

江上

扁舟泊江渚喜近酒家門出網魚鰕活投林鳥雀
喧無橋通竹處有路到桃源一見南塘字凄然憶
故園

儻所居之地名

簡曾才叔

虛庭貯明月酒醒獨登樓偶逐一笑樂遂成三夕
留烏鴉工報曉蟋蟀早吟秋欲赴東溪約作煩君
具小舟

舟中

扁舟何處泊沙渚夕陽邊遠浦橫魚網高山起燒
烟客行今老矣秋思日凄然且復開懷抱囊中有
酒錢

史賢良入蜀有錦江詩卷陳誼甚高

學道世情薄論文誼氣深謾懷三獻玉肯受四知
金萬里銅梁道千篇錦水吟一芹供七筩聊寓野
人心

賢良一和五篇不可及

世路從他險輸君酒盞深立談雙白壁一諾百黃金志大不少屈詩工非苦吟相隨萬里去老鶴豈無心

永新彭時甫館僕于玉峯樓龍子崇來話舊
暫艤溪頭棹來敲月下門江湖十年別故舊幾人
存聽兩夜同榻論心酒一罇不須談世事萬慮滿
乾坤

所聞

北風如許急亦使客心寒近得襄陽報仍聞蜀道

難三杯中夜酒一枕幾時安江上兩都督何人上
將壇

訪徐益夫

仲蔚蓬蒿宅終朝只閉關無心與時競未老得身
閑綠繞巡除水青橫隔岸山客來新酒熟相對一
酌顏

渝江綠陰亭九日燕集

佳節重有感人間行道難登高苦無地把酒一凭
欄山迥暮烟合江空秋水寒沙頭有鷗鷺莫作鴛

鴛看

九日江亭上誰憐老孟嘉要人看白髮不用整烏
紗寄興題桐葉長歌醉菊花歸心徒自苦猶在楚
天涯

題渝江蕭氏園亭

體仁體信伯仲佳士也一區同居不出戶
庭而得溪山之勝自昔有秀江亭山谷先
生嘗留題云澄波古木使人得意於塵垢
之外蓋人閑景幽兩奇絕耳所題之壁猶

存

一作體仁體信伯仲佳士也一區同居鄉
里猶善石屏見而書之為題三詩

相識雖云晚相知蓋有年同好兄弟華屋帶林
泉笑傲一樽酒登臨九月天客懷秋思豁萬象在
吟邊

三逕逐高低旁通桃李蹊

一作涉彼芙蓉
徑通他桃李蹊

涼臺無

六月釣石俯雙溪醉欲眠花下吟來過竹西風流
黃太史古壁有留題

近市囂塵遠幽居古意存詩人常下榻俗子莫登
門日坐圖書府時開風月樽野夫因到此忘却海

雲村

新朝士多故人愁吟寄之

野鹿自由性孤鴻不就群飄零生白髮故舊半青雲憂國家何有愁吟天不聞北風吹漢水胡騎政紛紛

題新塗何宏甫江村

近郭畏囂塵移居在水濱江山千古意松竹四時春賓客門無禁詩書筆有神何郎好心事鷗鷺亦相親

石屏詩集卷第三終

石屏詩集卷第四

夜吟呈趙東巖

汲井漱殘酒行吟到夜分一軒清似洗萬籟寂無聞風送迎秋雨天收翳月雲鷄鳴庭戶白人事又紛紛

吾鄉陳萬卿儒者能醫見宜春趙守盛稱其醫藥之妙著本草折衷可傳

本草有折衷儒醫功用深何須九折臂費盡一生心藥物辨真偽方書通古今有時能起甦一作死一劑

直千金

九月七日江上阻風

艤棹依喬木扶筇涉淺沙雲山多態度水月兩光
華白首吟詩客青帘賣酒家明朝風不定來此醉
黃花

自和前詩隣舟比皆擅商

總被利名役機心欲算沙舟行阻風色客夢負年
華洲渚四五曲漁樵八九家江村無限好滿眼是
蘆花

有感

皺眉觀世事把酒讀離騷天下無公論胸中有古
刀徒然成耿耿何以制滔滔不逐群飛轉孤鴻畢
竟高

春陵山中作寫寄孔海翁

昨日分携後回頭望竹關相親唯白水所見但青
山雲近人家遠苔生石徑斑聞鐘知有寺又在渺
茫間

夏日雨後登樓

夏日不苦熱病軀能少康數峯樓上景六月雨餘
涼今古兩虛器乾坤百戲場人生如寄爾聊以醉
爲鄉

偶見飛蝶追思舊遊錄之

早被春情誤渾身着粉衣最宜花上見解向夢中
飛蜂勝爲游伴蛛絲設禍機滕王小圖畫一一造
精微嘗見滕上蛟蝶圖百十爲群真有飛動意

寄永嘉太守趙茂實

龔黃古賢牧政事見於今疾惡風霜手活人天地

心躬行循吏傳時作謝池吟我欲依劉表常憂老
病侵

身爲吟詩瘦家因好誼貧如何賢太守不念可憐
人橘井誰知處桃源莫問津秋風吹白髮滄海老
垂綸

王應求出示蜀中山水障氣勢甚雄偉李巽
巖題其後論其畫筆之源流二百餘字

妙甚丹青手能移造化功三川山水國半幅畫圖
中玉局人何在銅梁路可通巽巖扛鼎筆文與畫

爭雄

萬杉長老秀癡翁見示五言次韻

了得宗門事何憂常住貧聽師林下話是我眼中
人星渚三秋月廬山萬古春昭陵御書在歲久莫
生塵

借韻書懷

虛氣撐枯腹長身到老貧高吟常駭俗爛醉若驕
人京洛繁華夢江湖浩蕩春布衣如雪白不受庾
公塵

飲蕭和伯家醉登快閣和揚伯子題分明觀

韻

醉歸蕭史宅快閣倚西東山歛過雲雨江無起浪
風月行銀漢上人在玉壺中天眼照塵世應憐鶴
髮翁

客中歲晚呈何宏甫

歲事費料理三杯意適然與其愁度日曷若醉忘
年桑落冬前酒梅花雪後天不知身是客多謝主
人賢

先人東臯子小園七言人多喜之晚秋房樓
大卿作大字刻石

父歿名隨泯詩存世莫傳敢求大手筆為寫小園
篇詞翰成雙美光華照九泉托公垂不朽鐫刻到
千年

淮岸阻風

檣棹楓林外平沙步晚晴秋深紅鶴至波動白鷗
驚荻浦留三日江州計幾程夜來風色好行不待
天明

蘄春李文解右游江上園勸游人不可折花
木禁漁弋者不捕禽魚酒邊談論可聽乃中
洲先生之後葉水心嘗與往來

坐斷此江千池亭百畝寬禽魚全性命花竹報平
安有道行其志非時做甚官羊神更閒雅野服竹
皮冠

南康縣劉隱居

秋風送紈扇終日御瑤琴祇可自為樂不求人賞
音無心問軒冕此地即山林堪笑紅塵客飄零雪

滿簪

江臯

江臯有閑客獨立對秋風
白鳥來無數青林望不窮
斜陽方照晚新月早騰空
得句從誰語傾心酒

都下書懷

半月不把鏡羞看兩鬢
塵讀書增意氣携刺減精
神道路誰推轂江湖賦采
蘋從來麋鹿性那作帝鄉
人

艤舟登滕王閣

散步登城郭維舟古樹傍
澄江浮野色虛閣貯秋光
卻酒淋衣濕槎橙滿袖香
西風吹白髮猶逐少年狂

湖口

水落山增峻江空石出奇
倚蓬看不足解纜放教遲
沙上鴈初到樽前蟹可持
中秋能幾日又是菊花時

夏日從子洲姪借茉莉一盆

舉眼驚如許，衰懷強自安。
愛涼臨水坐，遣病借花看。
物物同天地，人人各肺肝。
從來涇與渭，混作一流難。

吳門訪舊

孟良夫侍郎有歲春園

去此十三秋，重來雪滿頭。
鏡顏加老醜，詩骨帶窮愁。
鳥語新晴樹，人尋舊倚樓。
歲春門下客，一半落山丘。

哭澗泉韓仲止二首

只選後篇欲記其臨終一節故併錄之

雅志不同俗，休官二十年。
隱居溪上宅，清酌澗中

泉慷慨傷時事，淒涼絕筆篇。
三篇遺稿在，當並史

書傳

聞時事驚心得疾而死作所以桃源人所以商山人所以鹿門人三詩此絕筆之詩也

忍貧長傲世，風節似君稀。
死後女方嫁，峽中兒未歸。
門人集詩藁，故卒服麻衣。
澗上梅花發，吟竟何處飛。

瑯琊山中廢寺

欲訪山中寺，沿堤石甃長。
寶坊兵後廢，御帖窖中藏。
故址生秋草，寒窓帶夕陽。
孤僧出迎客，滿口話淒涼。

鄂州戎治靜憩亭

幽亭何處尋巖樹碧森森
獨坐生雲石少安經世
心伴人雙鶴立多事一蟬吟
提劍翻然起中原秋
草深

江上

江上維舟穩人間行路難
數朝花雨細一夜社風
寒燕語能留客蛙鳴豈爲官
苦吟成底事贏得瘦
團欒

趙端行杜子野游虎丘有詩僕因思舊與趙

子野同宿唱和留題

出城十里許有此一山門
丘在虎無迹池清劍有
痕孤松冠巖頂萬竹繞雲根
借問東軒壁舊題存
不存

海陵光孝長老驥無稱山谷後也共談時事
且說黃巖柑橘之美

俗子避形影僧家共往還
高談犯時忌妙語發天
慳霜後思新橘夢中歸故山
何時免奔走終老白
雲關

杜仲高高九萬相會

杜癖詩無敵高髯畫絕倫笑談能不朽富貴或成
塵今古多奇事乾坤幾恠民相逢不容易一醉楚
江濱

衡陽寫懷簡王景大趙俊卿

夢覺他鄉枕寒生半夜衾客程湖外遠秋意雨中
深老馬尋歸路羈鴉憶故林家音連數紙難寫此
時心

懷趙德行

學慈湖從趙元道游

所學源流遠澹交滋味長者來渾易與別去自難
忘獨客夢千里佳人天一方細觀賓退錄亦是慰
淒涼

上封

棲臺逼霄漢窓戶納靈竅回顧千巖路如登萬仞
梯泉從山頂出雪壓樹頭低高絕無人境非僧不
可棲

九日

今日知何日他鄉憶故鄉黃花一杯酒白髮幾重

陽日晚鴉爭宿天寒鴈叫霜客中無此醉何以敵
凄涼

春陵道上

雲際尋行路時逢一兩家山川閑世界耕釣小生
涯病竹長新笋寒芒搖落花溪翁解延客連煮數
杯茶

化成巖

城郭巖塵外江山勝槩中鏗然一灘水和以萬松
風夾徑森竒石危亭納太空蒼巖不能語曾識贊

皇公

喜聞平峒寇

峒寇都平了官軍奏凱歌千山通道路一雨洗干
戈天地和風轉江湖有水多蜀中無近報西賊定
如何

郭伯秀約聯騎春游不去有詩

心老尋春懶年衰跨馬難便能相強去未必有真
歡獨酌三杯妙高眠一枕安好花如可折覓取數
枝看

訪陳復齋寺丞于私第

以時爲出處真有古人風奉母易爲孝事君難盡
忠閒居非傲世直氣尚摩空語及朝廷事乾坤萬
感中

泉南

南地無冰雪常疑暖作災晝昏山霧合寒變海風
來壠麥銜芒早梅花帶葉開客中歸未得歲事漸
相催

代人送別

南浦春波碧東風送客船別君楊柳外揮淚杏花
前粉壁題詩句金釵當酒錢一聲離岸櫓心碎楚
江邊

度淮

一雨足秋意孤吟寫客懷人情容易變身事苦難
諧每日思歸浙今朝却度淮此生煩惱造物畧畧爲
安排

蘄州厲使君七夕祈雨

樽俎忘佳節衣冠肅廣庭爲民祈一雨何暇賞雙

星五馬無慙德三龍合效靈前山好雲氣早已動
雷霆

廬州界上寄豐帥

身健心先老時危事愈乖無成携短劍有恨滿長
淮村酒時時醉山肴日日齋功名非我有何處問
生涯

贈孤峯長老

孤峯何處住惠遠舊林台水日月無非道心安即是
禪幽棲雲壑底夢寐霖雪逢邊何日山陰道同尋訪

戴船

吳子似

酒櫻桃熟

柳樹陰青山去人遠黃鳥話春

深薄俗非吾道虛名愧此心休言今不古又恐不
如今

世事

世事真如夢人生不肯閑利名雙轉轂今古一凭
欄春水渡傍渡夕陽山外山吟邊思小菰共把此
詩看

冬日移舟入峽避風

棹入黃蘆浦驚飛白鷺群霜華濃似雪水氣成於
雲市遠炭增價天寒酒策勲同舟有佳士擁被共
論文

湖上

久住人情熟湖邊酒可賒來時飛柳絮今日見梅
花十載身為客幾封書到家斜陽照林屋獨立數
棲鴉

讀改元詔口號

伏讀改元詔仍觀拜相麻競傳新政事方見好官
家雪作豐年瑞梅開近臘花路逢江上客立馬問
京華

喜見新除日焚香洗眼看老儒居翰苑正士作臺
官有道為時用非才處位難寄聲崔與李催一作促
到長安

國以人為重人惟德可招九重方屬政諸老盡歸
朝盛事追三代清風動百僚叨聞天上語歡喜到
漁樵

罪言

盜賊干戈後安知有太平衆人皆競利百姓不聊
生國用何能足官曹未易清漢家政虛耗第一莫
言矣

李深道得蘇養直所寫深字韻詩

一作翁景山出宗
故人作序送行

表出塵埃外濃薰蘭蕙

一作班馬

香風流晉人物高古

漢文章老眼不多見前程豈易量三杯話胸臆一

笑對雲驤

秋興有感

客游江海上幾度見秋風遠沈着花白踈林秋實
紅人情朝暮變景物古今同老眼猶明在從教兩
耳聾

謝王使君送旅費

風撼梅花雨霧籠楊柳烟如何殘臘月已似半春
天歲裏無多日閩中過一年黃堂解留客時送賣
詩錢

舟中小酌

獨立秋風裏悵然思故鄉樽酒沾美酒船上作重

陽籬菊一枝瘦溪魚三寸寒
中聊爾耳亦可慰
淒涼

塗中見人家賣酒

連歲遭饑饉人無糶米錢
今秋好行路到處說豐
年村酒新蕩濁溪魚出網
鮮黃花留客醉沈近竹
林邊

長汀寄李使君

在處晚禾熟經今瘴霧消
山林無盜賊道路有歌
謔人喜逢豐歲誰知感
聖朝溪橋閑寓目魚鳥亦

逍遙

光澤溪上

艤棹西岩下舟人語夜闌
風林無鳥宿石窟有龍
蟠月色連沙白灘聲入
夢寒曉來新得句寄與
故人看

約游曾叅政西墅病不能去

骨肉去家遠異鄉童僕親
老身渾賴汝久病亦愁
人無暇遊西野尋醫訪
北辰主翁翻作使奔走
莫勞神

趙敬賢送荔枝

荔子固多種色香俱不同新來嘗小綠又勝擘輕
紅大嚼思千樹分其僅一籠嘗觀蔡公譜夢想到
莆中

自漳州回泉南主僕俱病

雅興難忘酒羈懷不耐秋坐窮思賣劍扶病強登
樓適有坐中客來從邊上州所談驚馬老耳身世併
成憂

寄趙漳州話病

聽雨無聊賴高眠獨掩扉塞鴻書不到海燕約同
歸吾道關通塞人情有是非荊州相別後王粲更
誰依

客自邵武來言王楚使君平寇

聞說賊來日君能判死生扁舟載母去倚劍到天
明百姓各逃命四旁無援兵王尊豈非勇獨自守
孤城

太守自監軍片膽大如身立馬斬數賊犒軍捐萬
緡威行千里外手活一城民孰謂書生怯書生中

有人

新年自唱自和

聖朝開寶曆淳祐四年春生自前丁亥今逢兩甲
辰黃梁一夢覺見青鏡二毛新七十八歲叟乾坤有
幾人

死灰無復暖槁木不逢春近日愁多病今年歲在
辰處喧如處寂求舊不求新笑問長河水誰為不
老人

江山一夜雨花柳九州春過節喜無事謀權要及

辰年年仍歲歲故故復新新把酒有餘恨無從見
古人

聞嚴垣叔入朝再用前韻

淒涼風雨日強把甕頭春獨守空虛室那逢耗磨

辰見荆楚歲時記正月十三日為耗磨辰詩家青眼舊世路白頭新

每誦梅花句一心思故人嚴公有詩云過年海棠
年未醒夢中猶白誅梅

花膽多
人

我本江湖客歸來二月春居多閉門日未卜賞花
辰繞樹鵲聲喜隔簾鶯語新可憐垂白叟却羨路

青人

吾族兩派而下吾之一派衰落殆盡諸孫一
兩人而已其勢不絕如綫彼之一派富盛一
日出門有感

門外長河水有時鳴不平河邊古樟樹亦各有枯
榮人事關時數春風莫世情賢哉滄海月夜夜一
般明

王深道奏名而歸

忠言犯時忌決不中高科一日成名了諸公屬望

多還家寧久住經世欲如何西澗一泓水行通滄
海波

朱仲寔少府到官無幾日即入僉幕官滿送
行二首

才智人難及上官能用賢梅仙無一事蓮幕坐三
年政譽傾千里歸途仰二天辟書聞早上松菊莫
留連

孝友平生事守廉天下難居官一日俸闔室幾人
餐病骨何妨瘦吟肩不肯寒功名未須問且奉版

輿安

次韻盱江李君昉見寄二首時李在包守郡

齋

又作丹丘客疑君去復來高吟闖風雅妙句斲瓊
瑰道誼心千古文章水一杯荷花時話別別後又
梅開

共醉荆溪酒不論杯淺深定交從此日識面早知
心久缺寒溫問忽聞長短吟玉霄亭下路幾夜夢
相尋

感寓三首

古今通一理趨鄉自多門賢士玉成美貪夫金注
昏誰知身是患人以道為尊前輩死姓名千
載存

誼利不同道盛衰何用疑布衣甘寂寞統袴自矜
持勿謂人為巧待觀天定時銅山或一作餓死富貴
五羊皮

自覺心無愧何須座右銘人將金作塢吾以石為
屏年老醫難療天寒酒易醒菊花香到死不肯就

飄零

新歲書懷四首

衰年百病身淳祐五年春塵世自多事風光又一
新鄉人方拜相野客自垂綸說與烟波侶海濱非
渭濱

七十九歲叟時吟感寓詩年高胡不死身健欲何
為細柳綠垂地小桃紅滿枝春風不到處枯蔓掛
踈籬

老病從人笑兒童識我誰窮愁無地着心事有天

知鵲噪綠何喜蛙鳴豈為私如何得懷抱長似醉
眠時

正月後二月百年如一年世間人易老天下事難
全生計夢十斛傳家詩幾篇眼前雖不足心地自
超然一作村翁不識字白屋貯青錢

小園

小園春欲半老子作兒嬉政喜花開蚤還愁客到
遲詩當得意處酒到半酣時蜂蝶來無數無知却
有知

為石雲悼鶴

瘞鶴有故事花邊結小瑩不登千歲壽無復九臯
鳴問汝緣何死主翁無限情最令人憶處側耳聽
松聲

挽立齋杜丞相

邪正不兩立國家當再興有時須有命稱德不稱
能方喜千年遇如何一旦薨世間無哭處吾欲哭
昭陵

蕭飛卿將使赴湖北戎幕詩送其行兼簡秋

壑賈總侍二首

文章蕭穎士一劍去從軍遠望西關路愁看兩浦
雲元霄騰意氣萬三取功勳馬上—杯酒須斟滿
十分

鄂渚三千里遙遙望使星江湖今寂寞桃李半凋
零世有一秋壑時無兩石屏平生不相遇老眼向
誰青

晚望懷長沙故人

却扇清風起樓頭坐晚涼青山連遠水綠樹帶斜

陽客路傷離別人情果在亡定應今夜夢隨月到
瀟湘

寄虛齋趙侍郎

老眼開還闔愁懷醉不醒乾坤多變故人物曉天
星藥石庄時切著龜見事靈得公十數輩亦是壯
朝廷
災異天垂戒安危事可知試將黃雨證請問白雲
司對客論孤憤傷時賦五噫醉中忘萬慮安得酒
如池

斗山子王深父作石屏記為老夫書其文甚
佳采記中語作五詩致謝

細讀石屏記臨風覺厚顏如何一片石欲比衆名
山浪迹江湖上歸身巖壑間漁樵爭半席人笑老
癡頑

細讀石屏記誠然愧我心蘭蓀借芳馥金石假聲
音俗子方騰謗朋儔合獻箴分爲無用物白髮委
山林

細讀石屏記尋幽到水涯老人相問蒼屬意在岩

花江海浮天濶山林去國賒草茅最深處認作野人家

細讀石屏記堪嗟老病身誰知饑欲死曷取壽長
貧雪片豐年瑞梅花臘月春今朝一杯酒誰道是
生辰

細讀石屏記多君才思清南山數峯碧北斗七星
明風土鍾奇秀文章到老成待看黃鵠舉唾手取
功名

寄建康留守制使趙用父都丞侍郎

蠻貊聞名姓當今有此人片心天共廣一笑物為
春花滿金陵路風清玉塞塵九重方簡注四海望
經綸

燕許文章筆片言輕萬金先人十詩序孝子一生
心入手方為實三年等到今九泉應有望取璧玉照
山林

姪孫亦龍作亭于小山之上
余以野亭名之得詩五首

平地變丘壑安排若自然為山移白石鑿沼貯清

泉粟里有松竹蘭亭無管絃軒裳非我事在野不
妨賢

蔡外有餘地登臨作此亭心如喬木古眼共遠山
清社酒誼同醉村歌自可聽有時來夜坐收拾讀
書螢

詩禮家聲重田園活計饒自甘爲野客不願仕王
朝時爲花開眼誰因米折腰此心安出處何日不
逍遙

勿謂此亭水歸然氣不群靜中觀變化閑處立功

勳水細通巖竇亭高壓海雲隱居行素志不負聖
明君

田間四五月此景看來稀翼翼青苗上雙雙白鳥
飛茅茨林下住簞笠雨中歸拍岸瓜藤水不須憂
歲饑

寄鎮江王子文總卿

一代文章手官如水樣清三軍皆飽德諸將共談
兵鐵甕橫天立金山壓浪平北人向南望
月
分明

又送行二首

荏苒歲云暮，雪霜天正寒。取程毋太急，御下放教寬。朝夕去家遠，關山行路難。邊頭辦功業，恐不在儒冠。

荆門在何許，鄂渚小躊躇。宿處好看劍，客中宜讀書。交遊天作合，江漢景何如。窓戶半天上，南樓好寓居。

送包使君入朝除左曹郎二首

宏齋儒者政，賞罰自宜民。世欲無公論，天知有正

人側身觀宇宙，平步履早言把安危事從頭問。化鈞

金門行入奏，何以告君王。請下求賢詔，兼陳活國方。解紛救弊細思量，若見高常薄。言子病在床。

送李明府赴太平倅

黃巖號難治，能者治何難。堯李民心悅，風霜吏膽寒。公行無不可，私請莫相干。三尺兒童輩，皆知好長官。

人說陳胡蔡合君為四賢一廉官似水三載吏無
權政自詩書出民從教化遷神明判事筆一出萬
人傳

庭闈定省外都是坐廳時盡日身無倦對天心不
欺縣花潘岳賦池草惠連詩磨取九峯石刊成德
政碑

通守太平州金陵在上頭風寒當一面江
艘此日要人物九天寬顧憂詩書用處別滌統換
封侯

得古梅兩枝

一作雪川劉

家古梅

老榦百年久從教花事遲

一作有此老梅樹君從何處移

似枯元

不死因病反成奇玉破

一作雪點

稀踈蓋苔封古恠枝

誰能知我意相對歲寒時

一作連朝看花遲

貧作負恩人為何宏甫作

九陌塵中事三生石上身狂為好詩客貧作負恩

人十載江村別扁舟塗水濱音書久不至得夢徃

來頻

題徐子英小園

奉親營小園僻在水之涓霜露蔡公賦假山慈竹
詩人皆稱壽母我獨喜佳兒八行家風在三遷憶
舊時

登祝融

秋風吹拄杖直到祝融顛目擊三千界肩摩尺五
天扶桑暘谷畔青草洞庭邊雲氣無遮障分明在
眼前

長沙有感

自飲長沙酒春風幾醉醒江波隨意綠山色爲誰

青鳥好因人好龜靈不已靈江離與杜若何幸人

騷經

山中少憇

地僻人稀到山寒水欲冰聞鐘知有寺見犬不逢
僧斷壠森一作生喬木頽簷掛古藤斜陽照孤影詩骨
瘦峻嶒

真州上官漕勸農

小隊出行春旌旗帶野雲草成平寇檄翻作勸農
文幕府多奇士詩書策異勳請將邊上事一一奏

明君

豫章東湖避暑

行坐自徜徉吟聲遶屋梁
曉烟滋柳色晨露發荷香
以我一心靜參他六月涼
淵明知此意高卧到羲皇

徧訪諸亭館蒼苔掩舊蹤
十年如昨日萬象又秋容
閱世存喬木沿堤倚瘦筇
何人殺風景所盡木芙蓉

見江東繡衣袁廣微

宇宙歸微數安危委大臣
金門一回首玉節久臨民
雅忘思行古清風不受塵
潔齋家學舊用處日如新

洪子中大卿同登遠碧樓歸來有詩

角巾華屋下立壑在其旁
寄興青山遠憂時白髮長
無心當世用袖手看人忙
善自為身計須傳活國方

濠州春日呈趙教授

體國

柳似眠初起梅雖老可觀
冰開春水活風暖雪泥

乾得酒忘為客談詩不論官無人知此意一笑對
黃冠

訪古田劉無競潛夫宰建陽有聲人言台有建陽無此宰

前說建陽宰古田今似之難兄與難弟能政更能
詩文字定交久江湖識面逢人傳花萼集俱水
心知

淮上回九江

江水接淮水扁舟去復回客程官路柳心事故園
梅活計魚千里空言水一杯石屏有茅屋朝夕望

歸來

送陳幼度運幹

臺幕三年最雲霄萬里程西山餞行色南浦棹新
晴骨秀荆山璞胸涵元氣英更携扛鼎筆祇合上
蓬瀛

君是青雲料吾當白髮年駕駘傍騏驥魚鳥各天
淵他日難忘處寒宵不忍眠挑燈雪窓下共讀鴈
奴篇

燕

聞說烏衣國低連海上村春來避霜雪秋去長兒
孫華屋語如訴故巢多不存雙飛惱幽獨紅袖有
啼痕

蘄口阻風務官點稅舊有一相識為務官

江漲行無路西風又打頭頗聞商婦怨自作賈胡

愁

石屏詩集卷第四終

